

## OVERBERG AGRI

25 September 2020

Geagte lid naam, lid nommer

### GRAANSAADBESTELLINGS 2021 - PLANTSEISOEN

#### AANLYN SAADBESTELLINGS

Hiermee versoek ons u vriendelik om in te teken op gemelde webblad met u lidnommer en wagwoord. Indien u nie toegang het tot die webblad nie kontak asb vir Eon van Wyk by 028 214 3800 om aantekene besonderhede te kry vir ons webblad.

Volg asb die onderstaande stappe:

- Gaan na / Go to: [www.overbergagri.co.za](http://www.overbergagri.co.za)
- Gaan na die “**Aanlyn Dienste / Online Services**” spyskaart item.  
Klik op **Overberg GET**

Of

- Gaan na: <https://www.overbergget.co.za>
- Indien u klaar op die GET stelsel registreer is, **teken aan met die besonderhede soos u gedurende registrasie spesifiseer het.**
- Kliek op die “**My Accounts / My Rekening**” spyskaart item.
- Kliek op die **rekening waarmee u wil werk.**
  - Indien u nog nie deur die koppelingsproses is nie, druk op die blok met die plus teken
  - Sleutel u rekening nommer in
  - U kan dan identifiserende dokumentasie, om die goedkeuringsproses makliker te maak, laai
  - Druk dan op die groen knoppie om die aansoek vir koppeling in te dien.
  - 'n Kredietbestuurder sal dan die aansoek nagaan en verifieër, sodat u dan met daardie rekening kan werk om die bestellings in te dien
- Gaan na die “**Get Going / Kry Diens**”
- Kliek op die “**Get Seed Orders / Kry Saadbestellings**” spyskaart item.

- U sal dan geleentheid kry om u **saadbestelling** te kan voltooi deur die produkte te spesifiseer onder die relevante gewasse **of** om u eie **terughou saad** wat **skoongemaak** moet word te spesifiseer.
- **NB:** Sodra u klaar al die gewensde produkte bygelas het, kan u klik op “**Finalise / Finaliseer**”.
- ‘n Bestellingsvorm / Saadskoonmaak vorm word dan gegenerer wat u kan deurlees deur die “**View / Beskou**” knoppie te klik.
- Indien u tevrede is met u bestelling / skoonmaak vorm, kan u klik op die “**Sign / Dien in**” knoppie. Daar sal dan ‘n **OTP** gestuur word na u selfoon wat u dan kan insleutel om die proses te voltooi.

U kan enige tyd u bestellings nagaan en die vorms aflaai onder die “**Get Feedback / Kry Terugvoer**” spyskaart item.

Sodra u die transaksie volledig voltooi het, en Overberg Agri die vorm aanvaar, sal u ‘n e-pos ontvang. Hierdie vorm sal vir u beskikbaar wees om af te laai, of te lees en word op die webblad gestoor.

**Indien u verkies om die saadbestelling te plaas by Trudie Vosser (MRB Saad), of Lindi Kotze (Bergrivier), neem asb u selfoon saam, aangesien die “OTP” nommer slegs na u persoonlike selfoon gestuur word.**

***NB: Alvorens u die saadbestellingvorms voltooi, lees asseblief eers hierdie skrywe sorgvuldig deur. Die bestelvorms is in ‘n kontrakvorm opgestel wat u bind om die saad wat u bestel het, wel te neem. Overberg Agri poog om net die suiwerste saad per kultivar volgens streng standaarde, wat vir gesertifiseerde saad deur SANSOR vasgestel is, te verkoop. Om uself te beskerm teen moontlike afkeurings van kommersiële graan, is dit in u eie belang om soveel moontlik gesertifiseerde saad te gebruik.***

*Saam met die skrywe is inligtingsstukke om u te help met u keuse van kultivars, saadverwerking, -behandeling, ens.*

## 1. **BESTELVORMS**

- 1.1 Bestel so vroeg moontlik om teleurstelling te voorkom. Alle saad wat voor 31 Desember bestel is en waarvan daar tekorte ondervind word, word pro-rata uitgegee en bestellings na 31 Desember volgens bestellingsvolgorde.

- 1.2 'n Epos sal weekliks aan u gestuur word tot en met 22 Desember, waarna dit na daaglik verander, tensy u die vorms onderteken het. Sodra die vorms verwerk is, sal u 'n kennisgewing ontvang per epos om aan te dui dat dit vir u beskikbaar is op die webblad.
- 1.3 Die **graansaad vorms** word **aanlyn ingevul** deur **uself of** by u **saaddepot** te Moorreesburg, Koperfontein of Bergrivier.
- 1.4 Op Overberg GET is daar drie **bestelvorms**, een vir **graansaad** vir saad wat u by Overberg Agri wil aankoop, een vir **u eie saad** wat u by Overberg Agri **wil laat skoonmaak** en een vir **weidingsaad**.
- 1.5 Bestellings van **lede van ander landboubesighede en koöperasies** kan slegs aanvaar word indien die eksterne bestelnommer asook lidnommer van die betrokke landboubesigheid of koöperasie op die aanlyn aansoek ingevul word.
- 1.6 Indien u **entstof vir weidingsaad** gaan benodig, moet u dit met die handelstakbestuurder bespreek.

## 2. VERPAKKING

- 2.1 U **eie saad** kan wel, nadat dit **skoongemaak** is, in u eie sakke verpak word, gegewe die voorwaardes in 2.2. Basissaad kan slegs in die oorspronklike verpakking opgeneem word.
- 2.2 Alle **leë houers** aangebied vir die **verpakking van eie saad** moet asb. skoon en vry van insekte en ander graan wees.

## 3. SAADBEHANDELING

### 3.1 Algemeen

- 3.1.1 Saad word slegs met **geregistreerde saadbehandelingsmiddels** behandel.

### 3.2 Koring

- 3.2.1 Alle **gesertifiseerde koring saad** word **standaard** met **Dividend Extreme behandel**.
- 3.2.2 U moet asseblief daarop let dat **saad wat met 'n ander middel behandel is as die standaard, nie vir krediet teruggeneem kan word nie** en ook nie deur Overberg Agri opgeberg kan word nie. **Sou daar van die behandelde saad oorgedra word, bly dit die eiendom van die produsent.** Die rede hiervoor is dat ontkieming op sulke oordrag saad nie gewaarborg kan word nie. Die effektiwiteit van die behandeling kan ook oor tyd afneem.

3.2.3 'n **Vorm** is aanlyn beskikbaar vir **saadskoonmaakdienste op teruggehoue saad**. Indien u teruggehoue saad wil laat skoonmaak dui ook asseblief hier aan of u koringsaad met Galmano of vol dosis Flite behandel moet word.

### 3.3 Ander behoeftes

3.3.1 Sou daar ander behandelingsbehoefte bestaan (bv. spoorelemente-, insek-saadbehandeling), moet u dit asseblief met mnre. Handrie Crous, Ian Singleton of Nico Wiid by die saaddepots kommunikeer. **Met inagneming van 'n maksimum totale toediening van 450 ml vloeistof op 50 kg saad waarvan minstens 90 ml water moet wees, sal ons u graag akkommodeer indien moontlik.** Daar is 'n aparte vorm by bogenoemde persone beskikbaar wat u moet invul en teken.

3.3.2 **Indien u as kliënt enige verdere behandelings op sodanige saad doen of laat doen, sal dit Overberg Agri vrywaar van enige eise as gevolg van saad defekte.**

## 4. SAADSKOONMAAKDIENSTE / TERUGGEHOUE SAAD

4.1 **Alle saadskoonmaak vorms moet Overberg Agri voor 11 Desember 2020 bereik.**

4.2 Alle graan wat aangebied word om as **saad skoongemaak** te word, moet **voldoen aan saad spesifikasies** van toepassing op die spesifieke gewas. Bring vooraf 'n monster sodat daar vasgestel kan word of die kwaliteit bevredigend is om as saad skoongemaak te word.

4.3 **Overberg Agri word gevrywaar van enige eise op teruggehoue ledesaad as gevolg van saad defekte soos:**

- a. **Saadsuiwerheid,**
- b. **Ander graan bv. Gars, Korog, Hawer, ens,**
- c. **Ontkieming,**
- d. **Ondoeltreffende saadbehandeling,**
- e. **Onkruidsade wat nie uitgesif kan word nie, bv. Predikantluis,**
- f. **Asook verwerkte skoon saad wat op die plaas insekbeskadig word.**

4.4 Vir produsente wat hierin belangstel, is die volgende pryse ter sprake.

4.4.1 Vir **koringsaad** wat **deur die totale skoonmaak sisteem** gaan, word die diens teen 'n prys van **R480 per ton (vuil basis), btw uitgesluit,** aangebied.

4.4.2 **Stoorkoste van R100 per ton per maand sal gehef word vir skoongemaakte saad en afval wat nie binne die gegewe tydperk afgehaal word nie.**

- 4.5 Die saadafdeling sal met u in verbinding tree wanneer hul gereed is om u saad vir skoonmaak in ontvangs te neem.
- 4.6 Dui asseblief u keuse van saadbehandeling op die vorm ook aan.
- 4.7 **Wees versigtig om koring wat bakteriese skroei (“black chuff”) besmet is as saad terug te hou. Die siekte is saadoordraagbaar en saadbehandeling teen dit is nog nie bevestig nie.**

## **5. ANDER KULTIVARS EN DIVERSE SAAD WAT NIE DEUR OVERBERG AGRIVERMEERDER WORD NIE**

- 5.1 Indien u belangstel in ‘n **kultivar of gewas wat nie op die bestelvorms verskyn nie**, moet u u keuse en hoeveelheid asseblief **op die betrokke vorm aandui**. Alhoewel ons dit nie kan waarborg nie, sal Overberg Agri poog om in al u saadbehoefte te voorsien.
- 5.2 Maak asseblief seker van u saadbehoefte vir ‘n spesifieke kultivar, aangesien verskaffers nie altyd gewillig is om bestellings te kanselleer nie. Veral waar bestellings reeds uitgevoer is, word terugneem deur die verskaffer geweier of teen hoë koste uitgevoer. **Geen kansellasies sal, nadat die saad deur Overberg Agri bestel of gekoop is, aanvaar word nie. U is dus verplig om die saad wat u bestel het, te neem.**

## **6. KEERDATUMS**

- 6.1 **Terugbring van Overberg Agri vermeerde saad:**  
Alle saad wat bestel is en later terug gebring word of nie afgehaal is nie, word teen u rekening uitgeboek, mits dit herverkoop word. Die saad word op ‘n “eerste terug, eerste uit” basis verkoop. In laasgenoemde geval ontvang u die volle krediet vir die saad. Indien die saad nie verkoop word nie, word dit terug geneem teen ‘n administratiewe heffing van 7.5 % op die verkoopsprys.
- 6.2 **Kansellasië van Overberg Agri vermeerde saad:**  
Slegs kansellasies wat tot 15 Januarie 2021 ontvang word, kan aanvaar word. Saad wat u na 15 Januarie 2021 kanselleer, word einde Mei 2021 op u rekening gedebiteer. U ontvang volle krediet teen die aankoopprys indien alle teruggebringde (verwys punt 7.1) saad reeds verkoop is. Indien u die saad nie wil hê nie, word dit terug geneem, min ‘n administrasieheffing van 7.5 % op die verkoopsprys.
- 6.3 **Saadbehandelings anders as die standaard behandelings, is uitgesluit van bogenoemde vergunnings. Saad met behandelings, anders as die standaard, is u dus verplig om te neem.**

**7. UITBOEK VAN SAAD**

Saad wat geneem word, word dadelik gefaktureer teen u rekening, maar word rentevry gedra tot 30 Mei 2021. Sodoende ontvang u 'n faktuur wanneer u, u saad laai.

**8. KREDIETSTELSEL**

Krediete vir teruggehandigde saad wat herverkoop is, word na die saaiseisoen (Julie) gedoen. Dit is dus noodsaaklik om u saadontvangs-bewyse tot aan die einde van die seisoen te bewaar.

**9. BEHANDELINGSKOSTE**

Indien u **u eie saad** deur Overberg Agri laat skoonmaak en behandel, geld die volgende behandelingskoste (BTW uitgesluit).

<b>Gewas</b>	<b>Behandeling</b>	<b>Skoonmaak (R/ton)</b>	<b>*Behandeling (R/ton)</b>
Koring	Dividend Extreme	R480.00	R219.00
Gars	Dividend Extreme	R480.00	R219.00
Koring	Merkaptotion	R480.00	R11.00
Medics/Saaia hawer/ Canola	-	R685.00	-

**Let wel: \* Slegs die koste van die chemiese middel.**

**Behandelingskoste om slegs produk op saad toe te dien is R100.00 per ton.**

**10. SAADSUIWERHEID EN ONTKIEMING**

Overberg Agri is weer bereid om monsters van graan wat teruggehou word om te plant, weg te stuur vir ontleding. Indien u in hierdie diens belangstel kan u duidelik gemerkte monsters by enige van ons saadafdelings afgee.

**Maak asseblief seker dat u saadbestellings ons betyds bereik en volledig ingevul is. Laat veranderings op bestellings en op saad reeds voorsien, verhoog die saadkoste en beïnvloed die beskikbaarheid.**

**Dankie vir u vriendelike samewerking.**

Vriendelike groete

J LUSSE  
BESTUURDER: PRODUKTE